

Sababootaa fi Furmaata waliin Oduu Warra fooyyaâ€™iinsa booda Duubatti deebiâ€™anii-Kutaa 5.1

Description

Dhugumatti, Islaama erga qabatanii booda duubatti deebiâ€™uun adabbii guddaaf nama saaxila. Guyyaa Qiyaamaa namoonni Islaama erga qabatanii booda duubatti deebiâ€™an fuulli isaanii ni gurraachata, adabbii cimaaf saaxilamu. Qurâ€™aana keessatti:

يَوْمَ تُبَيَّضُ وُجُوهٌ وَتَسُودُ وُجُوهٌ فَإِنَّمَا الَّذِينَ أَسْوَدَتْ وُجُوهُهُمْ
أَكْفَرُهُمْ بَعْدَ إِيمَانِكُمْ فَذُوقُوا الْعَذَابَ بِمَا كُنْتُمْ تَكْفُرُونَ

١٠٦

â€œGuyyaa fuulli gariin addaatu fi fuulli gariin gurraachatu, warri fuulli isaanii gurraachate, â€œErga amantanii booda kafartanii? Sababa kafaraa turtaniif adabbii (azaaba) dhandhamaa.â€ [isaaniin jedhama]â€. Suuratu Aali-Imraan 3:106

Sababoota erga Islaama qabatanii booda duubatti akka deebiâ€™an nama taasisa kutaalee darban keessatti ilaalu jalqabne jirra. Ammas itti fufuun sababa biraa ni ilaalla:

4-Shahwaa (Fedhii Lubbuu)

Dhukkubni kuni jirenyaa addunyaa keessatti wantoota hundarra badoo nama muudatan keessaa tokkoodha. Sababoota ibidda keessatti gonbifamuutti nama geessan keessaa tokkoodha. Ergamaan Rabbii (SAW) nama arrabaa fi qaamaa hormaataa isaa haraamaa irraa eeguf waadaa galeef Jannata wabii taâ€™eefi jira.

Fedhiin lubbuu balaa guddaa nama haguugudha. Yeroo baayâ€™ee gabrichaa fi Gooftaa isaa jidduutti girdoo taati. Fedhiin lubbuu wiirtuu dubbii kiyyaa taatu fedhii qaama saalaatii fi ilaachaa (ijaati). Fedhiin lubbuu tuni nama Rabbiin gabbaru meeqa faasiqota keessaa tokko taasiste. Aalima meeqa gara wallaalatti jijirte. Namoota meeqa kan duubatti deebiâ€™uu irraa fagoo akka taâ€™anitti yaaddaman amanti keessaa isaan baaste. Kana ilaachisee Imamu Qurxubiin kitaaba isaa â€œTazkirahâ€ jedhu keessatti seenaa baayâ€™ee dhiyeesse. Isaan keessaa gabaabbinnaan hanga dandaâ€™u nan dhiyessa:

â€œNamtichi tokko Misir (Ijiptitti) Masjiida tokko keessatti waggoottaa dheeraaf muâ€™azzina ture. Warra kheeyri fi fooyyaâ€™insaatiif fakkeenya ture. Fuula isaa irraa ifa Rabbiif ajajamuu fi ibaadaa ni argita. Guyyaa hundaa azaanuf gara minaaraa olkora (olbaha). Guyyaa tokko minaaraa irraa gara mana kiristaanaa minaaraa masjiidaa jala jiruu ilaale. Ergasii, intala abbaa manichaa arge. Innis ishiidhaan ni qorame. Azaanaa dhiissee gara ishiitti buâ€™e, manichas ni seene. Intallis ni jetteen: â€œemaal barbaaddaa?â€ Innis ni jedhe: â€œSi barbaada.â€ Ishiinis ni jette: â€œMaaliif?â€ Innis ni jedhe:

â€œAti sammuu kiyya ni saamte, qalbii tiyya guutuu ni fudhatte.â€ Ishiinis ni jette: â€œShakkiif deebii siif hin deebisu.â€ Innis ni jedhe: â€œAni si fuudha.â€ Ishiinis ni jetteen: â€œAti Muslima, ani immoo kiristaana. Abbaan kiyya sitti na hin heerumsiisu.â€ Innis ni jedhe: â€œAni kiristaana taâ€™a.â€ Ishiinis ni jette: â€œAti yoo hojjatte anis nan hojjadha.â€ Innis ishii fuudhuf kiristaana taâ€™e. Ishii waliin mana ture. Fuudhaan dura xaaraa manaa irra bahe. Ergasii achirraa kufee duâ€™e. Ishiis hin arganne, amanti isaas dhabe. Khaatimaa (xumura) badaa irraa Rabbiin nu haa eegu.

Rabbiin rahmata siif haa godhu, dubartii kiristaanatiif jedhee amanti isaa akkamitti akka gurgurate mee ilaali. Miskiina kana mee ilaali, waggoota dheeraaf amanti isaa kan eegu, waggoota kana keessa mallattoo amanti ture. Garuu dhumarratti dubartii kiristaanaa â€œRabbiin sadeesso sadeeniitiâ€ jettuuf jedhee ni kufe.

Namni yommuu fedhiin isaa kakaâ€™uu yoo of hin tooâ€™atin, qileetti isa kuffisti. Rabbiin rahmata siif haa godhuuti, wal bira qabiinsa namticha kanaa fi nabiyyi Rabbii Yuusuf (aleyh salaam) jidduu jiru mee ilaali. Yoo ilaalte, wanta ajaaâ€™ibaa argita. Akka haati manaa Aziiz Yuusufin qortee dubartiin tuni nafsee ofiitiin namticha kana hin qorre. Niitin Aziiz Yuusufif bakka sagaagalummaa itti raawwatan isaa laaffisuun sagaaggaalummaa raawwachutti isa waamte. Garuu inni dhiirota dhaadannoo guddaa baadhatan keessaa tokko ture: â€œGooftaa kiyya yoo faallesse, adabbii Guyyaa Guddaa sodaadha.â€ (Suuratu Yuunus 10:15)

Namticha kana nabiyyootaan yommuu wal bira qabu ol guddisuudhaan (exaggeration) akka hin yakkamne. Kana dhiisee mee namticha nabiyyii hin taaneen wal bira haa qabu. Namni kuni Khaalid Miskii oduun isaa beekkamee fi dhimmi isaa faffacaâ€™eedha. Gabaabbinnaan oduun isaa akkana: Khaalid Miskii dargaggeessa bareedaa ture. Garuu nama garmalee Rabbiin sodaatuudha. Wanta ittiin jiraatu hojii fi ifaajee isaatiin argata. Akka nama waa gurguruuf oli gadi naannaâ€™uu meeshaa isaa mataa isaa irratti baadhata. Gaafa tokko dubartiin takka bareedinna isaa garmalee dinqisiifatte. Ergasii waa sirraa bita jettee sababefachuun gara mana ishiitti isa waamte. Balbaloota manaa cuftee akkana jetteen: yoo [zinaa] natti hin hojjatin namoota fuunduratti si salphisa. Kabaja kiyya narraa mulquu barbaade jechuun si yakka.â€

Karaalee baayâ€™ee ittiin ishii jalaa nagaha bahu yommuu dhabu, ishii waliin wali galuu ni fakkeesse. Xurii ofirraa qulqulleessuuf mana fincaani akka seenuu barbaade hayyama ishii gaafate. Ishiinis kanatti gammaddee isaan wali galte. Innis mana fincaani ni seene. Qormaata kana keessaa karaa ittiin bahuu ni soqe. Mala qarummaa fi jabinna iimaanaa isaa agarsiisu tokko ni argate. Malli kunis xurii mulâ€™atuudha (sagaraadha). Garuu Rabbiin faallessu irraa dheessuuf yoo taâ€™e rakkoo homaatu hin qabu. Qaama isaa sagaraa dibe, fuula isaas ni faale. Foolii ajaaâ€™aa fi argaa fokkuu kan qabu taâ€™ee gara ishiitti bahe. Yommuu ishiin haala kana irratti isa argitu, akka fokkuu taâ€™etti ilaalte, akka mana ishiiti bahuus ni ajajje. Innis ishii irraa ni dheesesse. Amanti isaa baraaruuf meeshaa isaa ishii biratti gatee bira deeme. Sababa kanaan, Rabbiin bakka foolii ajaaâ€™aa kana foolii urgaaâ€™a akka shittoo bakka buusef. Namoonni dhufaati isaa fooli isaa urgeefachun beeku. Kanarraa kan kaâ€™e â€œKhaalid Miskiâ€ jechuun waaman. (Miski jechuun shittoo garmalee urgaaâ€™udha.)

Namni yommuu seenaa dargaggeessa muâ€™mina kanaati fi dargaggoota Muslimaa yeroo ammaa wal bira qabu sammuin isaa ni dhamaâ€™a. Dargagoonni yeroo ammaa kunniin sodaa tokko malee sagaagalummaa raawwachuuf fageenyaa kilomeetira dheeraa qaxxaamuru, ulfaatinna imalaa baadhatu,

qabeenya baayâ€™ee baasu.

Dhuma badaa isaan qunnamu osoo hin sodaatin itti deemu. Akka fakkeenyaatti, dargaggeesi tokko gara Baankok deemee intala gumnaa (sagaagaltu) takka waliin wal bare. Akkuma namtichi niiti isaa waliin taâ€™u, innis ishii waliin taâ€™uu jalqabe. Ishii ilaalun itti gammada, ishii waliin haasawuun boohara. Ishii irraa addaan bahuu hin dandaâ€™u. Gaafa tokko intalli tuni isatti dhufuu irraa ni barfatte (ni turte). Sammuun isaraa ni deeme, garmalee dhiphate, yeroon isarratti ulfaate. Yommuu ishiin isatti dhuftu, gaddi isaa ni deeme, yaaddon isaa ni saaqame. Qunnamtii sheyxaanni yeroo dheeraaf isaaf karoorsaa tureen ishii qunname. Sababa ishiin dhufteef hamma gammachuu isaa ibsachuuf gabbaramaa ishii taasisuun ishiif sujuude. Garuuâ€”sujuuda dhumaati. (Kana jechuun ishiif sujuude achumaan duâ€™e.) Nama Rabbiif osoo sujuuduu duâ€™ee fi nama dubartii gumnaatiif osoo sujuudu duâ€™ee jidduu garaagarummaa guddaatu jira.

Guduunfaa

Seenaad sadan kanarraa wanta guddaa akka barattan abdiin qaba: Namni jalqabaa fi dhumaa fedhii lubbuutiif jedhee amantii ofii gurguree. Sababa kanaan kufrii irratti duâ€™e. Adabbii gocha kanaa aayah jalqaba irratti kaasne haa yaadannu. Kanaafu, fedhii lubbuutiif jenne xumura keenya balleessu irraa of haa eegnu. Kana caalaa immoo Rabbii oltaâ€™aa irraa gargaarsaa fi eeggumsa haa kadhannu.

[Min Akhbaaril Muntakisiina maâ€™al asbaabi wal ilaaji fuula 24-27](#)

Date Created

December 15, 2020

Author

admin